

SP46101

docstoc 文川网  
入駐商家 古籍书城  
在文川网搜到古籍书城 发现更多电子书

中國方志叢書·華北地方·第三六八號

據

清·李祖年修，于霖逢纂  
清光緒廿三年修，民國廿二年鉛印本

影印

山東省

# 文登縣志

成文出版社有限公司印行



\*10098441\*

中國方志叢書·華北地方·第三六八號

據

清·李祖年修，于霖逢纂  
清光緒廿二年修，民國廿一年鉛印本

影印

山東省

# 文登縣志

成文出版社有限公司印行



\*10098442\*

93001

中國方志叢書·華北地方·第三六八號

據


清·李祖年修，于霖逢纂  
清光緒廿二年修，民國廿二年鉛印本

影印

山東省

# 文登縣志

成文出版社有限公司印行



\*10098443\*

docsriver 文川网  
入驻商家 古籍书城

在文川网搜索古籍书城 获取更多电子书

中華民國六十五年 月壹一版

# 文登縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

文登縣志卷四下

寺觀

六度寺在城西六十里金水菴北明洪武壬子賜名洪度禪院今廢有  
二殘碑半埋地下無年號字勢似元人老銀杏樹二株嘗有欲伐之者  
鋸下血出閣家死亡自是無起意剪除者寺之北山有大石高丈許寬  
七尺餘仰面平而微凹上鐫字曰歷代敕修六度禪院記隋開皇三年  
起建唐開元至宣宗年重修又葺於光化宋興國淳化治平重修遇劫  
廢弛金大定明昌泰和元延祐甲寅至正戊午相繼重修明洪武七年  
住持僧智政爲古來碑石經劫毀壞刊記於此永代不失院名據此則  
寺建於隋至明初猶存邑中諸寺莫古於是其刻石又一行云太宗宣

敬德監造則不可信 國初于七之亂燬於兵火

金水菴古名聖水院在城西六十里建置無考明天啓間道士曲來志住持此菴 國朝雍正間重修菴居崑崙東南麓四山合抱西至旱溝南北東水之內流者俱係菴地樹木茂密拔地參天極爲幽勝菴門外有石高七八尺寬丈餘平地特立狀若危樓可容數人奔酒號爲樓石其東大石如盆微圓而凹雨後則清水澄澈一塵不染

三皇宮在城西六十里崑崙山太白頂上山之極高處也疊石爲之創置無考內有小石獅四有戲動者必受疾

山麻寺在城西北二十五里元至元二十一年僧人宗超許建明正統間重修成化十年僧人才端徧化四方復爲修理有宏治十六年碑卽

記才端興修始末也

玉皇廟在城西北四十里明萬歷間邑人石國富建國富務農好善樂施丙辰大稔施粟賑饑人頌其德其創此廟亦傾家貲爲之孝子于奮翼爲記

于奮翼玉皇廟記

夫事神之與濟人皆人之心而心體粹白善行日積無論天之所以報答者不旋踵而既生斯世亦完其所以爲人矣石公諱國富號震泉以農業起家最知人間疾苦居恆儉以自奉而普濟一方失所之人歲大饑開倉賑之粟老稚不能移者給以錢布人進券契對人焚之及歲熟來償辭謝必不受公亦人傑也哉大抵地靈則人傑公之宅西有靈地遠望之若高入其地則平水旱禱之則皆靈應是卽石公鍾秀處也石公覺之默以自寓於是出家囊獨創玉皇廟其上構材木運磚石腰馮牆壁丹彩棟梁約財費不下數百金其虔誠一念並其一方溝瘠之念善心醇篤足動天地而感鬼神雖小兒婦女無不知其名呼爲石老翁鄉評薦之登明倫設俎豆官生揖讓尊爲耆碩於戲名實稱哉廟工將告成而公逝子應柱續之用力用財以終石公之所舉其善信盡傳云工興於萬歷四十六年某月日落成於四十七年某月日公歿時縣東村九十里一少年暴卒形若迎官狀及聽問故曰石明府所過吾執黃羅蓋送之噫嘻言何幻也彼少年素未識石公吾不信少年之言而信天道福善之理不爲幻也共勸石以著石公功果亦所以勸世風而爲後之事神濟人者勸焉萬歷四十八年



寶峯寺今日長弁院在城西北五十里舊志唐時敕建有碑今無存有  
國朝乾隆三十五年知縣陸三十六年知縣簡斷明界限勒石禁約  
碑碑陰爲典史沈思源撰並書篆額文云邑之長弁院古名寶峯寺考  
諸邑乘創自有唐有敕建碑記乃文之古蹟也但歷年永遠漸至廢圮  
更兼住持不得其人山嵐翦伐盡禿田產典賣無存僧會俱詳縣主命  
余赴寺經理之惟見殘碑數段廟貌傾頽神像露坐僧宇蕭然荒涼景  
况實難寓目於是卽日親赴各寺出名湊借數百餘金將田產盡行贖  
回房舍概爲修理又蒙出示禁約誠恐日久湮沒謹鐫於石以垂永遠  
嘉慶五年重修

嘉慶五年重修長弁院碑知縣舒謙福撰署昌邑教諭于昌緒書並篆額碑云文邑之西北去縣治五十里曰長弁其山自甯海逶迤而來層巒疊起至此忽分布焉一列於北一環於西寺曰寶峯蓋自唐敕建

千餘年迄今亦漸頽廢矣僧會清信目擊心傷志在修整因於戒僧中選拓陽寺之源興往任其事當是時寺中膏腴之產典出殆盡而瘠田又皆荒蕪不治此事之所以難爲也源興至搆金數百稟官贖地招佃戶闢草萊力恢寶峯之故業豈徒爲生活計哉蓋作事者必謀其始重修之事肇基於此矣源興自是負鉢北上歷都門達盛京聞同邑衿耆叢公名國柱名士蓮者舊旅此邦均以好善稱於人因各投其家備述所由皆毅然以領袖爲己任一時樂捐者爲二公亦爲源興也於是懷重貲歸鳩工庀材數閱月而告竣來遊者仰瞻殿宇金碧輝煌較前此大不侔矣嗟乎盛衰之故雖曰天命豈非人事哉源興以一人備極苦辛始焉稱貸以復其舊繼焉募化以圖其新向使飛錫盛京之時驟獲多金恣爲浪費縱遇叢公百輩甯有神於萬一哉而如僧會清信者知人善任亦不可謂非釋氏之良也爰敘其事以勒於石

三官廟在城西北五十里楚峴口西明崇禎十年邑人叢中琳因疾痿甚疾愈創建此廟有碑記云中琳自買贍地山嵐若干各有四至勒之於石 國朝康熙間道士眞清重修

邑人賽玉絃重修三官廟序

文登四面皆山而崑崙爲冠山當縣城之西南北亘百餘里峯巒疊嶂四時幽絕迥異人間以故羽客往往棲止其處爲黃芽紫車世所傳王眞人及麻姑上昇遺趾宛然可尋也自茲以降謀長生者益衆樹幟譚經幾徧巖壑而崑崙之東楚峴口之西舊有三官廟明季叢氏疾痿甚禱焉輒愈爰創建斯廟以報神庥迄今又四十餘年矣極采將折榑榘其傾昔之鬆蘿綿几半蝕蒼苔過其下者感慨係之然而環岡蒼阜竊窺參差夕靄朝霏松風泉響依然一勝也黃冠眞清欲鳩工庀材墜茨而丹雘之而屬余一言焉

道橫信嗟乎往者辛止之歲鯨逆倡亂岷崙一帶果何如耶封豕長蛇巢穴其中雖礮石之粟拱把之材莫不縱焚掠焉甚至以琳宇充馬廐以金鑪炊人膚琅函玉軸忍以直履眞仙家一大輪劫矣豈知復有今日哉然則是舉也豈神之靈耶抑人事之適然耶吾聞之道家以水火金石爲外丹吐故納新爲內丹道德其父也神明其母也清淨其師而太和其友也廟成則誦經有地修真有所而姪女成焉白鶴集焉相與飲石鍾之乳食天台之飴安知太白山頭不有飄飄然駕青牛而  
來臨者乎而曩時所稱王眞人邱處機其人者道士其恠恍而遇之矣

王吮廟在城北三十里有鐵佛陽谷小識曰文獻通考物異條云石晉開運二年文登地內湧出金銅佛像四疑卽是耶

太平菴在城東北五十里葛拉村南山之陽有康熙五十二年碑恩貢夏應泰撰文略云菴居勝地兩峯對峙於前層巒疊聳於後澗水分布左右紆折灤河潺流不絕至菴前而復合深秀幽雅洵東海之巨觀訪其伊始邑人叢居大與其子呈秀創爲草菴額曰太平彼時規模不過巖立厥後次孫曰琮易草而瓦宏闕殿宇不日告成如叢君者祖肇基

於前孫繩武於後竭三世之經營始獲一日之觀成宜其福澤縣縣世食無疆也

壽聖院今日楊庭寺在城北六十里楊庭集東北建置無考有宋治平四年碑殘缺不可讀 國朝乾隆四年重修碑恩貢生王汝爲撰

壽峯寺今日石嶺院在城北五十里建置無考有明崇禎丁丑重修碑生員紀善行撰 國朝乾隆三年碑恩縣訓導李盛唐撰云石嶺院古名壽峯寺元皇慶二年一修 國朝雍正甲辰重修

愛山碧霞元君廟在城北七十里愛山上明宏治甲子口其明約朱泰等鑿山創建廟下有洞以石爲梁構廟其上十餘年乃落成有正德六年碑威海獄監茅容撰

郭仙姑廟在威海南十里仙姑頂上有碑題郭仙姑碑記文登縣白鹿鄉鄉貢張維撰兼書書半用漢字雜以遼字不可讀其漢字亦多剝蝕可識者有大宋景德歲次丁未九月甲子十一日立又有大遼口使登州文登縣白鹿鄉云云又有願許碑記惟願國王萬年口主千秋等字揆其文義蓋遼人慕仙姑之神許立碑記以祈福祥張維撰文故雜用遼字縣境有此亦一奇矣考遼史太祖神冊五年始製契丹文字其字割裂漢字點畫而成如熱河磬捶峯石幢所鐫尿溷等字皆遼書與郭仙姑碑中字相類仙姑不知何代人舊志不載邑中亦無知者而能使遼人仰其仙靈神之所及者遠矣碑側有大中祥符三年僧法堅字考宋眞宗景德四年丁未五年改爲大中祥符元年蓋丁未書碑至大中

祥符三年始克立石舊威海志仙姑頂傳爲麻姑出家修鍊處誤矣  
黃姑菴在威海環翠樓下前明衛諸生黃茂女自幼失明誓不許嫁建  
尼姑菴居之持齋誦佛教化女貞享壽九十端坐而逝菴內有黃姑冢  
俗傳爲黃承宗女誤也康熙十八年重修同治十一年邑人王沛重修  
觀音堂在威海城南門樓上舊塑南海大士面南順治間城崩樓圯大  
士暴露於磚石之上塑像無恙衛人異之鳩資重建移像面北  
洪智寺在威海西五里幽邃清雅爲一方之勝前有洪智禪林石坊舊  
志作宏治寺誤

### 冢墓

岳無帝王陵寢漢冢之有碑碣可考者僅一二焉而山阿湖曲古墓荒邱疊疊相望者惟元爲多其冢  
墓石爲之高丈許圍圍如浮屠亦有方形類肩輿者亦有不用石而以甃砌成者前代石碣碑者之

姓氏官爵子女幾人元末則有鐫誌銘行述者亦有不鐫字而鑲花紋雲物者堅凝鞏固千年不敵俗謂其時有虎爲此以防虎掘此實野語考元史張榮傳太祖時貿易用銀民爭發墓劫取山東墳墓抉發殆盡蓋自宋以前中國不以銀爲幣皆用作器物元初用以貿易故發墓取其徇葬之物邑中古墓最多而宋金之墓無一存者大抵皆爲盜毀邑人懲其弊爲此堅固不破之勢以防掘銀豈爲虎哉一統志之例陵墓以明爲斷入 國朝者不載 舊志載康公墓啓堂隨筆曰宋村東有廢城舊傳爲齊康公城按城家記云康公城在牟平東十里牟平屬福山西界卽今牟城村芝罘島之康公墓或得其彷彿文登不與焉而侈其說者且云舊制堂皇壇廟俱存石羊石馬封冢嶙峋不知石羊馬乃元至正中之諭葬地與康公無涉

## 周

先賢申子墓在城東北一里於古無考雍正元年知縣王一夔埽除塋域築爲磚墳高一丈一尺碑題曰先賢申子墓墓東有石刻一夔古風周以圍牆高六尺五寸闊一丈五尺長二丈八尺道光間知縣歐文於每歲清明前三日率各官祭埽牲用特豕其後監生叢甫起捐祭田拾畝

啓堂隨筆縣東北里許相傳有申子墓前邑侯王一夔重修之不知唐封魯伯宋封文登侯墓豈在是耶  
按邑中申子墓歷代地志諸書皆不載齊乘邱壠一門多記先代墳墓於文登不記申子墓蓋元以前  
無之山東通志據舊志載之一統志不載蓋以未可信耳申子魯人其墓不應在此但相沿既久未可  
泯滅前賢謂神之在天下如水之在地中無所往而不在有其舉之莫敢廢也今仍舊志並祭田祭文  
附焉

道光十七年禮房稟先賢申子墓在城東北角離城里許向無祭田道光十五年經歐大老爺逢清明前  
三日捐備豬一隻供菜五碗麵供十圓香楮一分祭掃一次嗣後有九里水頭村監生費甫起捐本村駱  
子溝地拾畝招佃陳升領耕每年納租價大錢貳千陸百文以作祭費定限清明前十日交縣備辦祭品  
今祭期在邇所需租價恐臨期遲誤理合繕寫催票並將捐施地畝卷宗一併呈閱伏乞標批遵辦

知縣歐文撰祭申子墓文

於維夫子 式是文邑 生於海濱 學道宗國 至聖是依 羣賢同列 垂教桑梓 莫不嘉悅  
峨峨宅兆 山清水淑 爰蒞茲土 心傾碩哲 暮春令節 敬薦肥潔 惟神之靈 庶幾來格

知縣王一夔重修申子墓詩

白雲橫峻荒山岡楓樹插天浮青蒼遺墳七尺萎秋草蕭蕭落葉霜飛黃我來作宰方下馬高山仰止儒  
林光瞻拜一爲薦藟藻緬維有道神棲傷嗟夫千載賢人墓鑿削相沿失故步土邱荒冢日曩曩墓門拱  
向紛無數夕陽在山牛羊奔荷者插者樵人路我今八載撫茲邑拊膺抵掌幾歎息彗星下埽文德光痛  
惜青蠅亂白黑精靈泯沒吾道孤視如滿眼羅荆棘遷移下令逐喧騰道旁一洗明堂開峯樹竊窺林苑  
靜整齊僑側修頽頡工庀材設牆壁文章闡域巖出入大書深刻事磨鐫短篇鑿碑墓邊石衣冠相望  
君子風庶幾先哲留遺蹟後之賢者同此心永言保之毋相失



漢

昌陽嚴墓在城東北四十五里文榮接界處地名三家泊有石闕高七八尺其一無字其一前刻昌陽嚴三字後刻嚴掾高三字古冢三邱高如山阜漢置昌陽縣於今城西南三十里則墓中所葬蓋昌陽嚴姓其嚴掾高三字或嚴姓掾職而高名與字法古奧渾堅體勢在篆分之間確爲西漢時書而嚴之官爵後裔不可考矣石闕倒地墓爲犁田者所侵光緒十七年知縣許源清諭令村董建立原石並令耕者讓出墓界村人樂從之漢昌陽在邑境證以此石尤信

司馬長元墓在縣西三十里珠山前墓久平惟二石闕存焉高八九尺廣二尺其一上二字剝下爲司馬長元墓門六字其一爲建初六年十

docsriver 文川网  
入驻商家 古籍书城

在文川网搜索古籍书城 获取更多电子书

一月三日成十字建初爲東漢章帝年號字勢稍變西漢之體而筆畫盡處無波傑則與漢末光和諸碑不同司馬之爲官爲姓不可考矣舊志不知爲漢墓以石闕似劍形引甯海張崧石劍考於藝文謂爲晉人所爲誤

按後漢書百官志大將軍之屬有司馬主兵又有軍司馬一人又有軍假司馬別部司馬司馬或漢官也

金

秘書少監行太常丞騎都尉汾陽縣開國男食邑三百戶賜紫金魚袋郭長倩墓在縣西南二十里郭家莊北亂石縱橫碑碣無存故老相傳

金末元初爲盜所掘

一統志誤作三十里甯海志亦載長倩墓恐不可信

將軍副統掌持縣事于忠墓在縣西三十里固頭集西敕葬翁仲石獸

俱存有元元貞二年碑碑額橫列篆書河內于氏塋域之記八字本縣  
教諭于世英撰文云于氏爲漢定國之後其後官於東海之濱居於赤  
山枝葉分布於高齊天統間金季忠爲將軍副統掌持縣事又一碑題  
皇金金牌受武義將軍管軍千戶于公之墓餘字俱剝其名不可考矣  
邑人呂潤邁過于千戶墓詩華表巍峨儀仗尊行人下馬立孤墳欲尋  
翁仲無言語落日殘荆滿墓門

大中大夫上柱國賜銀魚袋畢文貴墓在城東南九十里龍山今人築  
成

鄧州鎮守把軍千戶于敬祖墓在城東北二十里洪水瀾

宣銳軍副千戶于斌墓在城東北二十里洪水瀾有元泰定元年碑竟

州儒學正孫禮撰于良佐書

武節將軍文登縣令叢璆墓在城東北四十里柳林塋有元至元二十一年墓誌文山長老叢法淳撰進士鄒琛書碑叙叢氏宗族稱其始祖永爲漢車騎將軍稔侯金日磾四十五代孫黃初元年東遷避地浮居太始元年居叢家峴永生二子曰太日字其後裔至璆金貞祐時官武節將軍文登縣令自璆以下爲千百戶等官者尙數十人詳見選舉表又至治元年碑兗州端字正孫禮撰本縣教諭于良佐書亦云先世爲日磾後裔家析東遷於文邑之叢家峴方基黃安白礎因而家焉子孫蕃衍碑敘叢德祐充鹽酒稅務使以下爲千百戶典史等官者亦數十人詳見選舉表

明山東通志金日磾墓在文登城北此誤於舊志敘述不明因而訛謬蓋日磾後裔徙家文登葬於城北非日磾墓在此也日磾墓在陝西渭南縣池北偶談文登叢大司馬蘭本漢稔侯金日磾之後相

傳日碑四十五代孫水邊縣之叢家峴家焉遂以爲姓至今科名甚盛江西多塗氏舊傳亦日碑後有金賦者爲制置使宋高宗爲加點水遂有塗姓詳載于皇華紀聞云

元

宣武將軍管軍總管兼領東征漢軍招討使司事刁通墓在城西三十里長學山陽敕葬有元至元十九年碑記通葬親事通之勳業官爵亦詳焉本縣前教諭于潔中撰進士于口書通故居在長學山南碑云故老相傳長學山乃先儒鄭司農講學之所西接崑崙東俯昌水南揖滄海北據甘泉蔚然而雄秀宜篤生英傑之士也又有通神道碑銘甯海州鄉貢進士鍾崇德撰至正五年立叙通戰功及其長子懷寶長孫士敬曾孫鵬翼三世世職爲將軍校尉見人物刁通傳後

宣授宣武將軍甯海等路管軍上正總管領招討使司事刁懷寶墓與

父通同塋

宣授武略將軍管軍上正總管領報討使司事刁士敬墓與祖通同塋  
賜祭葬有墓碑

昭信校尉鎮守揚州刁鵬翼與曾祖通同塋

斥山寨巡檢王璋本縣屯軍千戶王偉墓在城東四十五里李家山陽  
有元大德七年碑本縣教諭口克讓撰儒人于良佐書碑云王氏始祖  
出於漢王陵之裔子孫遷於磐石再遷遠陵復遷文山宅陽家焉其官  
巡檢千戶者俱在金朝元時有爲道士者名德堅敕賜紫服號寂然體  
妙大師其子名賢善石藝賢之子名良官石匠提領良弟仁善木工仁  
弟忠充本縣鹽局官餘有爲本都社長里長本寨鄉司斥山寨里正者

碑末題名又有修內司姜翊本縣陰陽提領杜仁陰陽教諭王文進等  
元人於百工雜藝無不設官官之冗濫以元爲最觀於此碑亦可得其  
大略也

管軍百戶王珣墓在城北六十里楊庭集有大德十年墓碑教諭鄒本  
然撰于良佐書碑多殘蝕略云王氏祖於太原楚漢之際遷於口石又  
遷楊庭父穩叔口翁口口口太子帳前拔都累有功效戊戌年充管軍  
千戶生六子慶鏞鏞泰賢珣珪慶於戊申年代父管領船隻守東海城  
池百戶一子超充吉州稅務大使至元六年鏞充副百戶攻襄陽因陣  
身故賢攻孫虎臣獲功身故十二年珣隨大軍湊門鏖戰節次立功復  
官南海縣等處招練百姓一十餘萬戶授敦武校尉管軍總把復授管



軍百戶身故一子名口字君用一子玉素有志操勇捷超羣於大德二  
年承襲父職管軍百戶堂兄福官彈壓弟順充五十戶

管軍百戶鎮守杭州韓成墓在城北五十里韓家山北麓敕葬有元泰  
定四年碑前甯海州儒學正董圭撰本縣社師孫文輝書碑云韓氏三  
世從軍臨難毋苟免攻城則先登野戰則先赴賈餘勇而盡忠節所以  
拔堅城克大敵所向如折枯朽易曰利用禦寇上下順也文言曰積善  
之家必有餘慶其是之謂與

詳人  
物

管民百戶馬付墓在城北十里陡埠村北山有元泰定四年碑本縣教  
諭于良佐撰並書碑云馬氏之源出於扶風付本貫文邑西北十八都  
山麻村性慷慨勇智過人於戊申年充管民百戶年老退職子馬顯承

替於辛亥年六月南宋攻海州顯獲功賞大絹五十疋至甲寅年五月於海州石湫河獲功授都統賜馬一匹大絹七百疋至丁巳八月攻東海獲功充管軍正百戶兼文登斥山寨巡檢戊午年十月攻漣水賞大絹五十疋中統二年隨酈元帥領軍到青山口巡勦獲功賞鈔中統三年以李壇變亂還家至元七年隨怪都萬戶圍困襄樊二城十年正月攻破樊城首先出衆獲功賞鈔十一年攻黃江縣堡攻沙洋新城等堡渡江與南宋水戰相殺獲功後攻常州收復湖秀等處至杭州守屯十四年授敦武校尉管軍總把二十四年攻丁家洲箭傷舉發退職長男馬信承替管軍百戶句當馬信前後句當十五年於皇慶元年子得祿襲父職俸鈔五十九貫得祿於至治三年病故子麟襲

昭武大將軍元帥左都監諸軍千戶膠西縣主簿王珍墓在城南三十里廐上村東北有墓碑無年號末署戊申年八月十日立石鄉貢進士于國樞撰宋淳書碑額橫題李相門下元帥王公葬事之碑碑叙王氏爲漢王吉之後因官於東徙居文山南海之濱子孫因家焉珍突起田間立功江淮蓋元初人也

詳人物

忠顯校尉管軍總把領千戶事姚璣墓在城西南三十里臧格莊東南有元至元二十五年碑本縣前教諭于沼撰並書碑叙姚氏爲唐相姚崇之後璣隸刁通麾下以武功顯於元世祖至元間未嘗有一毫挫於人可謂勇士初璣祖父堅孝友忠信重於鄉里竭家貲卜地葬親有地師爲擇於本居之東南山水明秀因謂堅曰葬後當世出兵官一員時

璣年方十六歲其後果不謬

千戶姚公碑銘

姚公唐相崇遠孫也諱璣字君寶文邑西南臧家莊人公自童年舉措殊俗時人見而稱曰公以孝弟著宗族以忠信待鄉里自十六歲時已然也至元四年蒙山東轉運使司委充甯海州茶場副使謹爲恢辦六年領軍攻守襄樊執銳披堅未嘗敢懈十一年十一月二十三日泊二十七日屢次攻擊沙洋新城十二月渡大江十二年二月丁家洲與孫虎臣合戰乘時大克七月初二日在焦山下流襲張宣使獲勝十三年蒙行中書省奏充正百戶兼受高郵北城兵馬權千戶事公自克襄樊後輔翊雄師平定亡宋統計大小五十餘戰無不顯其功也蒙河南等路行中書省樞密院奏受敕印官授忠顯校尉管軍總把蒙旨訓領千戶懸加級紀錄賞銀三錠表裏四襲以旌戰功時有餘孽黃花陀等一遇公至望塵而潰矣公素有膽智柔亦不茹剛亦不吐所謂一時之豪傑也至若整頓羣師翦除兇醜用力多矣未嘗有一毫挫於人也聖鑒孔明優卹葬事銘曰事親事國惟孝惟忠天秩有禮永垂頌聲

管軍請俸百戶畢旺墓與祖文貴同塋

武略將軍文登縣尉于琛墓在城西北二十五里白玉莊東

權文登縣尹于純吉墓與父琛同塋有元至大二年墓誌銘甯海州前

儒學正鞠孝恭撰本縣教諭王遂書誌云于氏爲漢廷尉定國之後世

有積德爲文山望族子孫誥誥如芝蘭玉樹照映鄉閭大第高門翬飛相望豈非善慶致茲蕃盛哉

管民百戶鄧英墓在城東北溫泉二里石門山前今隸榮成有延祐五年碑翰林修撰同知制誥兼國史院編修馬驥撰前進士及第國子博士張起巖篆額將仕佐郎益都在城酒稅醋務副張德貞書丹碑云鄧氏女真人金初挈家寓南陽後徙文登縣東口口里宗派蕃衍分居兩莊故有東西鄧莊之別英祖諱詔潛德不仕家故饒財時人有鄧爛金之目積而能散鄉里高其義父諱恁性仁慈而能以義爲尙充管民萬戶英資稟忠直臨事果決從軍以勇悍爲衆憚服充管民百戶子名文進官濰州北海縣尉擒強竊盜賊一百八十餘起考滿擢大盈倉使不

一年積糧八百餘石陞兩淮掘港場鹽司令英之子復有名文用者官萊登管民千戶名文政者官甯海州丁地倉使文進之子有名安仁者官萊登管民千戶舊志只載鄧文進一人未見此碑故也

鹽酒稅務都監于質百戶于良弼本縣教諭于良佐墓與于斌同塋奉訓大夫甯海州知州周進忠墓在城北十里陡埠村北山有元至治元年碑前任本縣教諭于良佐撰現任本縣教諭孫禮書碑叙進忠高祖以下譜系事蹟並遷葬歲月於進忠官蹟叙述特詳時進忠官濟甯路總管府知事其後以甯海州知州致仕此碑未叙蓋官知州在立碑後也

千戶所知事王世賢墓在城東三里丰南村西有延祐二年墓碑

docsriver 文川网  
入驻商家 古籍书城

在文川网搜索古籍书城 获取更多电子书

鞠彥昌墓在城外東北隅香山東嶺有墓碑元至正十四年立彥昌嘗爲吏好文詞確陰刻行述生卒年月其子通所作也

鞠通墓與父彥昌同塋通嘗爲州吏

至正辛卯進士登州太守鞠思誠墓與祖彥昌同塋有鞠氏先塋碑至正間立應奉翰林文字同知制誥國史院編修杜軾撰志和縣教諭畢居寬書鞠字雲翰嘗掌太學思誠從以講學者也碑云鞠氏係后稷子不窋之後後自汝南遷居登萊安塋於黃縣野極至大唐生祖鞠積爲相國五代潰亂東至文登縣家於城焉叙次思誠太高祖以下至其二子凡七世支分派別族姓蕃衍實爲當時著族思誠別有墓碣明洪武十九年本縣訓導于達撰詳人物思誠傳後

考唐書宰相世系表無鞠氏爲唐相者



孝子鞠資墓與父忠誠同塋有墓碣正德三年本縣儒學士賽鞠育代  
其子堅撰其文曰正德三年十月孝男鞠堅等伏念吾父乃祖父前進  
士登州太守第二子也世居文山生乎士族性資明敏博覽詩書欲擢  
科第以承父志緣疾身弱隱居不仕鄉人請開學館訓誨子弟祖母劉  
氏赴世吾父廬於墓側日夜號泣越三年矣鄉人以孝行稱

本縣魚鹽官于玉墓在城東北七十里崗山後有至正十四年石碣今  
隸榮成

中書工部奏差于深墓在崗山後有墓碣深子仲敬雙島巡防官與父  
同塋

忠顯校尉海道運糧千戶鄒榮墓在城東北崗山後今隸榮成有元至